



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-162/02..

Sarajevo, 26. veljače 2002.

Z A P I S N I K

sa 13. sjednice Komisije za ljudska prava, imigraciju, izbjeglice i azil,
održane 26. veljače 2002. godine

Trinaestoj sjednici nazočni su bili Osman Brka, Miloš Jovanović, Miro Grabovac, Bahrija Osmanović, Mustafa Cuplov, Violeta Kamberović i Omer Filipović. Izostali su Dušan Stokić i Franjo Majdandžić.

Sjednici je bio nazočan gospodin Leon-Diaz Francisco Javier, viši pravni svjetnik u OSCE-u za institucije ljudskih prava.

Predstavnik Vijeća ministara nije nazočio sjednici, iako je uredno pozvan.

Za sjednicu je jednoglasno usvojen sljedeći

D N E V N I R E D:

1. Razmatranje Prijedloga zakona o pravima nacionalnih manjina u Bosni i Hercegovini (predlatalji zastupnici Mariofil Ljubić, Miro Grabovac –Titan, Zdenko Vukić, Marko Amidžić i Mirko Baković),
2. Razmatranje Prijedloga zakona o zaštiti prava nacionalnih manjina (predlagatelj Vijeće ministara BiH) i
3. Tekuća pitanja.

Ad – 1 i 2:

U uvodnom izlaganju predsjedatelj Osman Brka, pored ostaloga, kazao je da se u proceduri u Zastupničkom domu nalaze dva prijedloga zakona o pravima nacionalnih manjina, koji su danas na dnevnom redu sjednice. Budući da je prijedlog Kluba zastupnika HDZ-a ranije dostavljen Parlamentu, Komisija je na 11. sjednici odložila razmatranje istog jer je u to vrijeme stigao i prijedlog Vijeća ministara. Tada je na sjednici sugerirano da se predlagatelji oba zakona sastanu i pokušaju izaći sa jednim prijedlogom zakona. Dalje je rekao da su Komisiji iz OSCE-a dostavljeni komentari Venecijanske komisije na Prijedlog zakona Vijeća ministara, koji su dostavljeni članovima Komisije. Nakon toga se desilo da je Venecijanska komisijaaa pozvala parlamentarno izaslanstvo u Pariz 01. marta, gdje će se održati konferencija u svezi s

nacionalnim manjinama i dobiti pomoć za izradu kvalitetnog zakona. Kazao je da je na tu konferenciju pozvan i on kao predsjedatelj Komisije.

Iz ovog razloga predsjedavajući je predložio da Komisija danas o ovim prijedlozima zakona ne vodi raspravu i ne zauzima stajalište dok se ne vrati spomenuto parlamentarno izaslanstvo sa te konferencije. Kazao je da će on po povratku iz Pariza Komisiji prezentirati rezultate sastanka i na osnovu toga odrediti aktivnosti Komisije u svezi s ovim zakonima. Predložio je da gospodin Havier ukratko iznese svoje prijedloge i sugestije.

Prije izlaganja g. Havierra članovi Komisije Omer Filipović, Bahrija Osmanović, Mustafa Cuplov i Violeta Kamberović postavili su mu određena pitanja. Potomu je gospodin Francisko Havier u svom izlaganju obrazložio stavove Venecijanske komisije rekavši da je i sam sudjelovao u njenom radu. Odgovorio je na pitanja postavljena od strane članova Komisije. Pored ostaloga, rekao je da se komentari odnose na Prijedlog zakona Vijeća ministara koji je ranije bio u proceduri, ali da je upoređivanjem novog teksta zakona uvidio da se isti komentari odnose i na ovaj jer mu je ostala ista struktura. Kazao je također je da Venecijanska komisija nije imala na uvidu prijedloge Kluba zastupnika HDZ-a niti Ibrahima Spahića, te da će se o njima izjasniti nako sastanka u Parizu.

Poslije izlaganja predstavnika OSCE-a Komisija je zaključila da se odgodi rasprava o predloženim zakonima, a da predsjedatelj, nakon sastanka u Parizu, zavisno od njegovog rezultata, sazove sjednicu Komisije.

Ad – 3: Tekuća pitanja

Pod tekućim pitanjima predsjedatelj Osman Brka predložio je dva pitanja:

- a) Organizacija posjeta Komisije određenim mjestima,
- b) Definitivan dogovor o organizaciji okruglog stola

a) U svezi sa posjetama Komisije predsjedatelj je podsjetio na zaključak sa prethodne sjednice, da se u tijeku godine izvrši 4-6 posjeta. Predložio je da ostanu iste skupine koje su bile prilikom posjeta u prošloj godini. Iznio je svoj prijedlog da se posjeti Srebrenica, Bijeljina i Janja, a članove Komisije pozvao da i oni predlože mjesta za koja smatraju da ih treba posjetiti.

Mustafa Cuplov predložio je da se posjeti Dolina Neretve – Stolac, Ravno, Žitomislić i druga mjesta zaključno sa Čapljinom.

Miloš Jovanović je predložio da se izvrši posjeta Zenici i Bihaću, na što je predsjedatelj zamolio da se uzmu mjesta koja su geografski povezana radi praktičnih razloga.

Poslije kraćih diskusija i usu glašavanja zaključeno je sljedeće:

1. da se organizuju tri skupine od po tri člana Komisije koji će izvršiti posjete, kako slijedi:

prva grupa u sastavu: Osman Brka, Violeta Kamberović i Miloš Jovanović – da izvrše posjetu Srebrenici, Bijeljini i Janji;

druga grupa u sastavu: Miro Grabovac – Titan, Mustafa Cuplov i Bahrija Osmanović – da posjete Dolinu Neretve – Stolac, Ravno, Žitomislić – i druga mjesta, zaključno sa Čapljinom;

treća grupa u sastavu;; Omer Filipović, Dušan Stokić i Franjo Majdandžić, da posjete Grahovo, Petrovac, Bihać i Martin Brod.

2. Posjete će se izvršiti od 25. do 31. marta 2002. godine.

b) Predsjedatelj Osman Brka je predložio da Komisija konačno zauzme stav u svezi s organiziranjem okruglog stola. Podsjetio je Komisiju na dosadašnje aktivnosti, kao i na to da je Kolegij organiziranje okruglog stola prepustio Komisij, da taj skup organizuje sukladno svojim poslovnim ovlaštenjima.

U diskusiji povodom ovog pitanja sudjelovali i su Miro Grabovac, Osman Brka, Mustafa Cuplov i Miloš Jovanović.

Poslije diskusije zaključeno je da se ispred Komisije uputi zahtjev rektorima univerziteta u Sarajevu, Bihaću, Tuzli, Banjoj Luci, Srpskom Sarajevu, Sveučilištu u Mostaru, Univerzitetu "Džemal Bijedić" u Mostaru, da predlože po jednog člana sa univerziteta u organizacioni odbor radi organiziranja okruglog stola.

U okviru ove točke Violeta Kamberović je postavila pitanje teškog položaja Roma u Bosni i Hercegovini. Istaknula je da su oni izloženi diskriminaciji u svim segmentima života. Predložila je da Komisija razmotri ovo pitanje kako bi se vidjelo šta bi se moglo učiniti na poboljšanju njihovog stanja.

Bahrija Osmanović ponovo je postavila pitanje narušavanja ljudskih prava u oblasti rada, naglasivši da ima veoma mnogo slučajeva gdje ljudi rade na crno, pri čemu im se ne plaćaju ni penzijsko ni zdravstveno osiguranje, a na drugoj strani su oštećeni fondovi zbog neplaćanja obveznih doprinosa.

Predsjedatelj je rekao da se slaže da postoje problemi koje su gospođe iznijele i da su veoma izraženi. Međutim, rekao je da, nažalost, Komisija nema instrumenata da ta pitanja riješi. Zato je iznio stav da nije za to da se na dnevni red stavljaju pitanja za koja se unaprijed zna da ih Komisija ne može riješiti. Istaknuo je da su ova pitanja u nadležnosti izvršne vlasti i da bi ih oni trebali rješavati.

Ovim je završena 13. sjednica.

Sastavni dio ovog zapisnika je transkript 13. sjednice Komisije.

TAJNIK KOMISIJE
Rajka Stanišić

PREDSJEDATELJ KOMISIJE
Osman Brka

